

Datganiad o Fwriad Cymhwysedd Hyblyg EC04 Cyngor Sir Ddinbych

Dyddiad Cyhoeddi: 29/01/24

Rhif Fersiwn: F.3

Cyhoeddi ar y wefan: www.sirddinbych.gov.uk

Mae'r datganiad hwn yn nodi meini prawf cymhwysedd hyblyg Cyngor Sir Ddinbych ar gyfer y cynllun Rhwymedigaeth Cwmni Ynni (EC04) o Rhagfyr 2022 - Mawrth 2026.

Fe fydd y cynllun EC04 yn canolbwyntio ar gefnogi aelwydydd ag incwm isel ac aelwydydd diamddiffyn. Fe fydd y cynllun yn gwella'r cartrefi sydd leiaf effeithlon o ran ynni gan helpu i fodloni ymrwymadau tlodi tanwydd a sero net y Llywodraeth.

Mae Cyngor Sir Ddinbych yn croesawu cyflwyno'r llwybrau cymhwysedd hyblyg EC04 gan ei fod yn helpu'r Cyngor i gyflawni ei gynlluniau i wella cartrefi'r rhai sy'n wynebu tlodi tanwydd neu sy'n agored i'r oerfel.

Mae'r Cyngor wedi gweithio ers nifer o flynyddoedd ar brosiectau i wella effeithlonrwydd ynni a lleihau tlodi tanwydd a hynny ar draws y sir ond noder fod y penderfyniad terfynol ynglŷn â ph'run ai a yw deiliad yn derbyn mesur Rhwymedigaeth Cwmni Ynni yn cael ei wneud gan y cyflenwr ynni dan rwymedigaeth neu eu hasiantiaid/contractwyr ac ni all Cyngor Sir y Fflint/ Cyngor Sir Ddinbych sicrhau gweithredu'r mesurau.

Mae'r Cyngor yn cyhoeddi'r Datganiad o Fwriad hwn (DoF), ar y **29/01/24** i gadarnhau y bydd pob un o'r aelwydydd a nodwyd yn glynu at o leiaf un o'r pedwar llwybr sydd ar gael a amlinellir isod:

Llwybr 1: Aelwydydd sy'n cael eu rhentu'n breifat ym mandiau SAP E-G neu aelwydydd perchen-feddianwyr ym mandiau SAP D-G sydd ag incwm o lai na £31,000. Mae'r cap hwn yn weithredol waeth beth fo maint, cyfansoddiad neu ranbarth yr eiddo.

Llwybr 2: Aelwydydd perchen-feddianwyr ac aelwydydd sy'n cael eu rhentu'n breifat ym mandiau SAP E-G sy'n bodloni cyfuniad o ddau o'r procsis canlynol:

Denbighshire County Council ECO4 Flexible Eligibility Statement of Intent

- Procsi 1) Cartrefi mewn darpariaeth Gymreig LSOA 1-3 ar Fynegai Amddifadedd Lluosog Cymru 2019 ¹
- Procsi 2) Aelwydydd sy'n derbyn ad-daliad treth y cyngor (ad-daliadau wedi eu seilio ar incwm isel yn unig, nid yw'n cynnwys ad-daliadau unigolion sengl.
- Procsi 3) Deiliaid sy'n agored i fyw mewn cartref oer fel y nodir yng Nghanllawiau'r Sefydliad Cenedlaethol dros Ragoriaeth mewn Iechyd a Gofal (NICE). Dim ond un o'r rhestr all gael ei ddefnyddio, nid yw'n cynnwys y procsi 'incwm isel'.
- Procsi 4) Deiliad sy'n derbyn prydau ysgol am ddim o ganlyniad i incwm isel.

* Noder na all procsis 1 a 3 gael eu defnyddio gyda'i gilydd. ¹

¹ [Mynegai Amddifadedd Lluosog Cymru \(diweddariad Mynegai llawn gyda safleoedd\): 2019 | GOV.WALES](#)

Denbighshire County Council ECO4 Flexible Eligibility Statement of Intent

Llwybr 3: Aelwydydd sy'n cael eu rhentu'n breifat ym mandiau SAP E-G neu aelwydydd perchen-feddianwyr ym mandiau SAP Aelwydydd D-G sydd wedi'u nodi naill ai gan unigolyn sydd wedi'i gofrestru ar Gofrestr Ymarferwyr Cyffredinol, Bwrdd Iechyd yr Alban, Bwrdd Iechyd Cymru, Ymddiriedolaeth Sefydledig GIG, neu Ymddiriedolaeth GIG yn aelwyd ddiameddiffyn, sydd â phreswlydd y gallai ei gyflwr iechyd gael ei effeithio ymhellach drwy fyw mewn cartref oer. Gall y cyflyrau iechyd hyn fod yn gardiofasgwlaidd, anadlol, gwrthimiwnedd, neu'n ymwneud ag anawsterau symud.

Tystiolaeth, monitro ac adrodd

Fe fydd angen i'r holl osodwyr sy'n gweithio o dan y cytundeb hwn gadarnhau cymhwysedd eiddo a/neu ei ddeiliaid ar gyfer ECO4: FLEX. Mae gofyn i breswylwyr gwblhau ffurflen asesu

Fe fydd angen i'r holl osodwyr sy'n gweithio o dan y cytundeb hwn gael eu cymeradwyo gan Gyngor Sir Ddinbych a dylent fod wedi talu am eu cais cyn i unrhyw fesurau fod wedi eu gosod a'r arbedion ynni yn cael eu hadrodd i'r Cyngor yn chwarterol.

Mae'n rhaid i'r holl ddatganiadau a ddelir gan y gosodwyr gyd-fynd â'r datganiadau a anfonir gan Gyngor Sir Ddinbych i Ofgem.

Mae'n rhaid i'r gosodwyr gadw'r holl brawf o gymhwysedd ar gyfer y llwybr cyfeirio a ddewiswyd i ddibenion archwilio yn ddiweddarach.

Fe fydd yn rhaid i osodwyr a oedd wedi cofrestru yn gynharach gyda RMBC ar gyfer ECO3 ailymgeisio ar gyfer ECO4 a darparu'r dogfennau canlynol i'w cadw ar gofnod gan Gyngor Sir y Fflintar ar ran Cyngor Sir Ddinbych.

- PAS 2030:2019 achrediad a chofrestriad Trust Mark.
- Cofrestriad Nwy Diogel ac achrediad cymhwysedd NIC.
- Achrediad F Gas mewn grym.

Denbighshire County Council ECO4 Flexible Eligibility Statement of Intent

- Achrediad MCS a Trust Mark.
- Achrediad RECC a NICEIC.
- Cymhwysedd NIC a thystiolaeth o gofrestrriad gyda Trust Mark.

Mae'n rhaid i'r holl osodwyr ddefnyddio'r ffurflen gais a ddarperir gan Gyngor Sir y Fflint ar ran Cyngor Sir Ddinbych. Ni fydd unrhyw gais yn cael ei dderbyn ac eithrio'r ffurflenni a ddarperir ac mae'n rhaid i'r ffurflenni gael eu llenwi'n gywir ac yn glir i osgoi ceisiadau annilys.

Fe all unrhyw osodwr y canfyddir ei fod yn defnyddio tactegau gwerthu a bennwyd yn anfoesol/camarweiniol gan y Cyngor weld ei ddatganiadau a'i waith drwy ECO-4 flex yn Sir y Fflint a Sir Ddinbych yn cael eu hatal.

Cadarnhad o wiriad tystiolaeth a datganiad

Fe ddylai'r holl aelwydydd a all fod yn gymwys ymgeisio drwy un o'u gosodwyr ECO a gymeradwywyd i sicrhau y gallant un ai elwa o'r cynllun neu gael eu hasesu ar gyfer cymhwysedd o dan unrhyw raglen berthnasol arall.

Fe fydd y swyddog isod yn gyfrifol am wirio a chadarnhau datganiadau a thystiolaeth gysylltiedig a gyflwynwyd ar ran Cyngor Sir Ddinbych.

Enw: Joseph Muxlow

Teitl Swydd: Rheolwr Adfywio Tai

Rhif Ffôn: 01352 703426

E-bost: joseph.muxlow@flintshire.gov.uk

Denbighshire County Council ECO4 Flexible Eligibility Statement of Intent

Llofnod Prif Swyddog Gweithredol neu unigolyn cyfrifol dynodedig

Mae Cyngor Sir Ddinbych wedi penodi Cyngor Sir y Fflint i weinyddu'r cynllun ar eu rhan, yn unol â Gorchymyn ECO4 BEIS a bydd yn nodi aelwydydd cymwys drwy broses ymgeisio Ofgem. Bydd Prif Weithredwr Cyngor Sir y Fflint yn goruchwyllo'r broses o nodi aelwydydd cymwys o dan ECO4 Flex.

Fe fydd y wybodaeth ar gymhwysedd yn cael ei chadw'n ddiogel yn unol â pholisi diogelu data y Cyngor, Cod Rhannu Data Swyddfa'r Comisiynydd Gwybodaeth a chanllawiau'r Adran Fusnes, Ynni a Strategaeth Ddiwydiannol.

Llofnod: 

Enw: Emlyn Gwynedd Jones

Teitl Swydd: Pennaeth Gwasanaethau Cynllunio, Gwarchod y Cyhoedd a Chefn Gwlad, Cyngor Sir Ddinbych

Dyddiad y Llofnod: 29/01/24

Ar gyfer unrhyw ymholiadau cyffredinol yn ymwneud â'r Datganiad o Fwriad hwn, cysylltwch â DEEPadmin@flintshire.gov.uk